


Theologia

Febl. 2904

Halicii Simonis: Quaestio de causis discernenti-
bus scripturam canonicam ab apocry-
pha.



⁺
QVÆSTIO

DE

CAVSIS DISCERN-
entibus Scripturam Canoni-
cam ab Apocrypha.

A

M. SIMONE HALICIO, S. THEOL. B. *obit 1623. 13 Junij.*
ad Disputandū in Alma Acad. Crac. proposita.
XI. Iulij. Hora II.

PRÆSIDENTE

Adm. R. D. MARTINO CAMPIO VADOVIO
S. Th. Doct. & Profefs. Ecclesiæ Collegiatæ
ad S. Floriani PRÆPOSITO.

Permissu Magnifici D. Rectoris.

CRACOVIAE,

In Offic. Typ. Matthiæ Andreouienfis,
Anno Domini, 1622.



CRux animum firmat, constringit fascia corpus
Cornua diducens vir super astra vocat.

BARTHOLOMÆE tuum NOWODWORSKI robur in armis,

Quam prosit Regno Stemmata clara docent.

Namque ferit cornu, Crux seruat, fascia stringit,
Hostes Te, Doctos, dum fera bella moues.

39124

I

GENEROSISSIMO DOMINO,
D. BARTHOLOMÆO
NOWODORSKI,

Sacræ Domus Hospitalis S. Ioannis Bapti-
stæ Hyerosolimitani, Equiti Melitensi, Sti-
patorum S. R. M. Præfecto, Singulari Acad. Crac.
Patrono, & Benefactori æternùm colendo;

M. SIMON HALICIVS. Humil. obs.



*Ursor in area Theologorum primi sta-
dii metam & simul Te inclyte Heros
aspicio. Spectator meæ à carceribus in-
feriorū disciplinarum egressionis tu pr-
marius fuisti, cū repente nostris ini-
tiis, iucundissima præsentiæ tuæ lux
oboriretur: Tibi meritò eiusdem curriculi debetur sco-
pus & consūmatio. Volebam ego quidem meæ conscius
imbecillitatis silentio venerari augustam virtutem tuā,
sed quē possum si nullus est Acad. nostræ locus, in quo
fixa vel erecta non sint monumenta immortalitatis tuæ.
Quod si par animo fortuna accessisset, facile coniecimus
qualem tu cuperes habere Scholam Crac. An id leue ar-
gumentum est liberalis voluntatis iure apud omnem po-
steritatem celebrandæ? homo maiorum quidem imagini-
bus &*

bus & bellica gloria illustris, sed exigui cum literis cō-
mercii, non honorum in Repub. luce, non fortunarum
copia splendidus, multi temporis, multi sudoris & san-
guinis collectum stipendium in bonarum artium propa-
gatione hilariori vultu effundit, quam post meritos la-
bores accepit. Aiunt Scipionem Romanum postulanti-
bus quondam in re difficili opem suis militibus, magno
animo respondisse: Non bellatorem sed Imperatorem me
mater genuit. Sed istam ego arrogantem voco grauita-
tem. Tu verè magnanimus es, tu apud me multis Scipio-
nibus maior es, quem cum non fortuna, non inconstantis
multitudinis fauor, sed propria virtus & rectè de ea
sentientium iudicium & bellatorem, & bellatorum insi-
gnium ducem fecit, literarum Academicarum tacitus
opem tuam implorantium non spreuisti humilitatem.
Eant nunc qui proprium & inueteratum in literatos
odium attribuunt militibus: ecce honoratior miles, for-
tissimus Melitensium Eques NOWODWORSZCIVS in
amādis & exornandis literarū alumnis cum quouis con-
tendit literatissimo. Et cum alii humaniorum amēni-
tate capiantur, alios oblectet seuerior Philosophia, alii
supra humanam intelligentiam rapiuntur cogitationū
diuinarum studiis, vnus omnes pari beneuolentia com-
plectitur optimus NOWODWORSZCIVS. Itaque nec
ego in vitium venire potero si cum Theologorum subli-
mitate ad te meum Patronum diuerto: valde enim ido-
neus

neum videris defensor propositæ à me quæstioni. Bellum
denuncio Hæreticæ impietati, tu id cum generosissimo
sanguine progenitorum tuorum adhuc infans suxisti,
educatione pia ac sancta auxisti, cum professione Me-
litensis Militiæ gerendum necessario suscepisti. Vocem
Pastoris Christi propriam & venam ego in sola Romana
Ecclesia, quæ est columna & firmamentum veritatis
colloco: tuus feruor in eandem Ecclesiam tantus est, vt
millies ex hoc mortali corpore quàm semel ex ouili Christi.
si deturbari eligas. Petrum Christi Vicarium in Ro-
mano Episcopo venerandum asseuero. tu eundem Petri
locum, terram sanctam, locum principis Apostolorum, lo-
cum illius quem constituit Christus Dominum Domus
sue, & Principem omnis possessionis sue reuerenter ha-
bes, prudenter agnoscis. Cum tuo igitur secundum De-
um Patrocinio prodeo in campum, hostem euoco: poten-
tem fateor, sed quia potentior est is, pro cuius sponsæ ho-
nore omnis hæc à nobis suscipitur concertatio, vana est
aduersus eum omnis alia potentia. Inuocatus verò solet
adesse præsentissimus, quia in suis promissis fidelissimus.
Appone tu quoque auram pietatem tuam, constantissi-
mum fidei Catholicæ feruorem innocentiam & integri-
tatem, & multa alia gratiarum cælestium dona quibus
abundas: ne per insolentem oris impurissimi audaciam,
vel ipse Christus vel sancta illius Ecclesia blasphemetur.
Sic tutus ab insidiis inimicorum tuorum non solum bre-

uem hanc & momentaneam vitam, sed nullis terminis
circumscriptam iucundus, lætus, gloriosus viues. Colly-
rium quod initio Quadragesimæ in coeuentu Acad. fe-
cerum: Theologicis addo propositionibus, tuoq; simul no-
mine insignio. Post inundationes, bella, famem, vexatio-
nes miselli populi, gnuioni per sentimus impendere mala,
nisi placamus indignationem Domini vera penitentia.
In ea temporū conditione parænesim Quadragesimæ &
vsui publico, & desiderio tuo, qui à nobis aliquā orati-
unculam efflagitas aptissimam esse iudico. Vale reple-
tus bonis desideriorū tuorum in benedictione Domini.

QVÆSTIO.

V. Externa vox Ecclesiæ re-
uelatâ veritate diuturno con-
cordiâ; SS. Patrum ab ipsis A-
postolis proximè & continuè
succedentium sensu firmata, ad
discernendam ab Apocrypha,
Canonicâ scripturam sufficiat:
an præterea Conciliorum sum-
miq; Pontificis expressa deter-
minatio aut aliquod infallibile
Diuinæ veritatis testimonium
ad id plenius cōfirmandum re-
quiratur nec ne?

Conclu-

Conclusio Prima:

Externa vox Ecclesiæ Christi, veritati reuelatæ & diuturno continuoq; ab Apostolis Patrum consensui innixa, est propria interpretes Spiritus sancti.

Confectaria.

1. Neminem quantumvis sibi sapientē posse diuinorum mysteriorum intelligentiam consequi, nisi Deus sensum eius atq; intellectum aperuerit.

2. In sola Ecclesia Rom. cui nunc ut legitimus Christi vicarius ac Petri successor præsidet Rom: Pont: Gregorius XV. propria & cōtinua est mansio Spiritus sancti.

3. Huic vni per scripturas aliaque media de rebus ad fidem & mores pertinētibus rectē obediatur, ut Magistræ veritatis & virtutis infallibili.

4. Falsò docere sectarios dari passim cuius immediate à Deo reuelatæ veritatis intelligentiā.

5. Externa vox Ecclesiæ, est publica vox Rom: Pont. & Conciliorum autoritate illius congregatorum, decernentium, confirmatorum.

Conclu-

Conclusio II.

Canonica scriptura est quæ Spiritu S. inspirate & dictante, siue mediate, siue immediate conscripta ab hominibus in ipsorum hominum salutem dirigitur. Apocrypha autem est partus vel inconsultæ credulitatis, vel ambitiosæ auaræque cupiditatis in quæstum & ostentationem directæ.

Confectaria.

1. *Quicquid constiterit esse Canonicum, infallibilis certitudinis robur habet.*

2. *Proprius scripturæ sensus, verborum compositio, & modi loquendi eiusdem sunt cum scriptura autoritatis.*

3. *Canonica scriptura quia propter homines est, etiam ex iis constat, quæ ab experientia & humana ratione pendent.*

4. *Scriptura Catholici & eruditi viri, si nec fidei veritati, nec morum pietati aduersatur, idem pondus habet quod aliquorū vel plurium SS. Patrum scripta.*

B

5. *Quæ*

5. Quæ continent bonis moribus & fidei veritati contraria, & si Apostolorum aut aliorum, celeberrimæ sanctitatis & eruditionis virorum nominibus insignita circumferantur, ut adulterina seu supposititia reiicienda sunt.

Conclusio III.

Quæ sit Canonica scriptura quæ non, vox Ecclesiæ certissimè discernere atque definire potest.

Confectaria.

1. Vox attestantis Ecclesiæ errare in suis definitionibus ad salutem fidelium directis non potest.
2. Attestatio Ecclesiæ pluris est æstimanda, quam scriptura ipsis etiam Apostolorum manibus exarata.
3. Vox Ecclesiæ Catholicæ prout est publicum ac infallibile veritatis testimonium, omnes ad assentiendum firmitate fidei obligat.
4. Quæ diuturniori tempore patitur Ecclesia inter Canonica numerari, pro Canonicis vel propè Canonicis habenda sunt ante publicam definitionem.

Vox

5. *Vox Ecclesiæ potest & eadem, & alia di q̃
alia de eadem re proferri, siue eodem siue diuer-
so tempore, non solum quoad spiritum, sed &
quoad literam.*

Conclusio IV.

Quoniam Pont: Rom. & Conciliorum
ab eo congregatorum atque approbato-
rum infallibilis est autoritas ex ordinatio-
ne diuina: illius est vel Conciliorum ab eo
cōgregatorum expresse determinare, quæ
sit Canonica scriptura, quæ Apocrypha.

Consectaria.

1. *Pontifex Rom: habet privilegium Petro
collatum, & in fide non deficiendi, & sine er-
rore gubernandi Ecclesiam.*

2. *Pontifex Rom: qua præses est supremus
Ecclesiæ, nec in rebus fidei, nec in præscribenda
morum regula errare potest, in publico ac defi-
nitivo suo iudicio.*

3. *Concilia siue generalia, siue particularia
Rom: Pontificis autoritate definita, vox sunt in-*

fallibiliter decernentis Ecclesia.

4. *Eiusdem est impietatis & Deo reuelanti, & Ecclesiae attestanti non credere.*

5. *Certissima nota est hæreseos, libros veteris & Noui testamenti à Pontifice Romano, & Conciliis autoritate eius congregatis & approbatis definitos non recipere.*

Conclusio V.

Expressam Pontificis Romani & Conciliorum declarationem plenius cōfirmant alia concurrentia testimonia, siue illa fuerint diuinæ veritatis infallibilis, siue insignis probabilitatis.

Confectaria.

1. *Miracula si forte concurrant maiorem, faciunt euentum, non quidem rei, sed credibilitatis: quia & ipsa miracula an sint verè miracula, Ecclesia determinat.*

2. *Miraculis, conor di Doct̃orum sensu, traditionibus longo vsu firmatis, plenius confirmantur doct̃i saltem extensivè quoad modum, et at̃em,*

etatem, indocti etiam quoad certitudinem fidei intensiue.

3. Doctorum & pastorum Ecclesiæ vel omnium vel plurimorum, vel præstantissimorum, conueniens in unum sententia de aliquo scripto vel Canonico, vel Apocrypho facit maiorem certitudinem moralem & extensiue & intensiue, fidei solum extensiue.

4. Citatio libri Canonici & rerum in eo contentarum in aliquo alio libro Canonico, qui nunquam controuersus suspectusue fuit, facta: maiorem facit certitudinem fidei extensiue.

5. Efficacia doctrinæ in cordibus hominum, superans artem & naturam, addit aliquid extrinsecus auctoritati diuinæ vocis infallibili.





Bernard. super Cant. Serm. 30.

*Hippocrates & sequaces eius docent animas
saluas facere in hoc mundo : Christus & eius di-
scipuli perdere. Quemnam vos è duobus Magi-
stris eligitis ? At manifestum se facit, qui sic di-
sputat, hoc oculis, hoc capiti, illud pectori vel
stomacho nocet. Profectò unusquisque quod à
suo Magistro didicit, hoc in medium profert.*



+
COLLYRIVM seu ORATIO
DE POENITENTIA

*Post initium Quadragesimæ in supplicationibus
Academicis ad S. ANNÆ eodem Anno*

H A B I T A.



Ltitudō diuitiarum boni-
tatis, & misericordiæ Dei,
proponitur hoc sacratissi-
mo tempore in medio Ec-
clesiæ, nostro ex peccatis do-
lori & erubescentiæ. Accur-
rimus vndiq; ~~lesæ~~ maiesta-
tis conscii cum gentili Chananæa, vt unicā quis-
que suam filiam, animam scilicet pretiosissimā
à grauissima ac periculosissima liberet Dæmo-
nij vexatione. Prope exitium est in vnius tyranni
ra biemincidere: quod si duo immanitatis por-
tenta in nostram coiuerint perditionem, ne la-
tum vnguem absumus à morte probrosissima.
Circumuenti sumus à peccato, proditi à carne,
Stygio Phalaridi: quæ nobis reliqua spes si in
manu potenti, si in brachio excelso, & in mise-
ratio-

rationibus multis Domini nostri à crudelissima tyrānorum seruitute in pristinam non vindicamur libertatem. Ponite in oculis mentium vestrarum miseræ istius filiæ matrem miserrimam quæ hodie acrioribus dolorum stimulis exagitata, importune astat, instat, circumstat, obsecrat, implorat misericordiam filii David. Spectaculum est horrendum & peracerbum videre subinde oculorum trāsersionem, manus distortas, capillum solutum, oris deformitatem, recentem in horas ex nouo vulnere sanguinem, quid multis? viuum ac monstrosum cadauer. Stupet præ dolore ferè iam exanimis mater, nec alium inuenit leuationi suæ modum, nisi vt vehementius ad Dominum cum tribularetur clamitaret. Misere mei fili David. Is est peccati fructus, ea est fœderati illius socij tractatio vexare, torquere, vastare, probris, doloribus, funcribus sempiternis nostrum genus. Et peccatum & Diabolus ab initio fuere homicidæ. Nos quidem olim ex hac tenebrarum potestate liberati, genus electum, regale sacerdotium, populus acqui-

acquisitionis, filij Dei dicebamus, sed heri seu infirmitatem seu stultitiam nostram, post gustum doni cælestis, post participationem Spiritus S. in veteres tenebras recidimus. Abijmus à benignissimo patre in longinquam regionem sublata preciosissimâ iustificationis substantiâ, quique ad diuitem mensam sedentes croceis nutriebamur, ad porcorum filiquias, nos nostrâ deicimus prodigalitate. Quid iam ceruicibus nostris impendet nisi cōsummatio in combustionem. Obuerberat nostras aures illa terribilis cōminatio: Melius erat viam iustitiæ non agnouisse, quam post agnitionem retrouertisse. Retrouertimus nos cū Chananeide, oculis à Deo ad creaturas transuersis, fastidio rerum spiritualium quasi spumanti ore vultum Christiani hominis foedauimus, manus in ultionem, cupiditatem iniustitiam distorsimus, integritatem cōscientiæ nouis interdum casibus vulnerauimus. Et pudet nos clamare cum matre nostra Ecclesia pro nobis ipsis ad filium David? Clamemus nec desinamus donec exaudiat Dominus. Audiet

diet ille benignissimus, & loquetur nobis verbum consolationis, cognoscamus modo miseriam nostram, & ex præscripto Domini inungamus ægritudinē oculorum collyrio. Agnitæ & confessæ miseræ, parata est semper misericordia. Quænam inquires ista miseria? Lumen oculorum nostrorum non est nobiscum spiritualiter cernendi facultatem peccatis nostris obscurauimus aut forte extinximus. timor & tremor venerunt super nos, ingemiscimus conrecti peccatorū tenebris. Hoc ego malum ducē Deo breuiter inprimis demonstro, mox ad tollendam eius grauitatem collyriū ex apotheca diuina facio. Erit nobis credo salutare, si prostrati in conspectu Domini, culpas nostras deprecati fuerimus per solennem istius temporis Antiphonam. Emendemus. &c.

EST quod nobis sapientia veterum siue in vmbriis, siue in Rerumpublicarū luce propagata inuideat: vtraq; enim inani oblectationis titillatione decepta, vix quid verè pulchrum
ac iu-

ac iucundum sit à longe potuit aspicere. Vtiq;
rerum naturalium inspectores dicerem aliquo
modo supra hæc quæ videntur ascendisse, poli-^{signa}
ticorum industriæ omnis periit labor & con-
tentio. Illi enim à specie creaturarum in pul-
chritudinem creatoris licet imbecillo naturæ
lumine ferrentur, venerandum tamen docue-
runt: horum gloriæ summus apex fuit in um-
bris & lineamentis pulchritudinis quasi ipsissi-
ma pulchritudine conquiescere. Non repeto
veterum ciuiliū in consuetudinibus vanitatibus,
in quærendis mendaciis perditam operam &
diligentiam: non enim & nostra pseudopoliti-
corum turba dissimiles habet cogitationes &
studia. Flexit se fortè ad hominem externum &
eius fabricam elegantissimam: hic constitit, hic
stupet, huc omnem confert iucunditatem &
desiderium. Quanta cæcitas animi, qui stupor
ingeniorum, non in futurum decus non ad im-^{hermites}
mortalitatem prospicere: sed quid ventri, quid
ostentationi, quid cupiditati, quid auræ populari
seruiat? Nec in Sophorum grandi. Nosce tei-

psum, magna est Philosophia: simul enim ac se
ad intuendum hominis angustioris faciem cum
insipiente sua sapientia verterunt, subito vt ve-
spertiliones à luce veritatis inaccessibili percul-
si in tenebras dispersi sunt. Nobis hæc diuinæ
gratiæ lux seruabatur, qui in admirabile Christi-
anæ dignitatis lumen non ex operibus nostris,
sed ex misericordia singulari liberatoris nostri
vocati sumus. Ille cum esset vnigenitus Patris,
descendens in terram in similitudinē carnis pec-
cati, enarrauit nobis altissima suarum inuentio-
num mysteria, & cum libertate à peccatis bene-
ficiorum præstantissimorum in nos effudit v-
bertatem. Eo doctore super omnes senes intel-
ligere, super omnes prioris sæculi docentes sa-
pere incipimus, quia lucernam pedibus nostris
dedit verbum suum. Narrabat & doctior anti-
quitas de interiori homine multas fabulationes
sed non erat testimonium Domini fidele sapi-
entiam præstans paruulis; iactabat Synagoga
legis diuinæ cognitionem, sed non conuertebat
animas, non sanabat detectas infirmitates. A

Christo

*Contra Presbiterum.
p. 100.*

Christo primum didicimus, quantum distet ve-
tus Adam à nouo, terrenus homo à cælesti, cor-
pus iustitiæ à corpore peccati, quando ex veris
participib⁹ diuinitatis ex primitiis Spiritus San-
cti audiebatur verbum illud bonum: Viuo ego
iam non ego, sed viuit in me Christus. Vtinam
verò felix hoc verbum nunquam ex ore nostro
dimissemus, sed vt est ingenium hominum
ecce in repentinā ex insolēti triumpho recidim⁹
miseriam. Vt enim quod erat officii nostri de
die in diem renouare interiorem hominem ne-
gleximus, à Sathana circumuenti, & ab eius in-
strumento carne nostra fascinati, rediimus in ve-
terem, cæcum, pauperē, nudum, miserabilem.
Hoc verò grauius malum quod cæcitatem in-
ter iucunda, miseriam inter diuitias numere-
mus. Sed fallimur turpissimè, nam non degene-
res in acumine iudicij à progenitoribus nostris,
hæredes quoq; calamitatum ab ipsis relictarū
efficimur. Iudicāt illi ex vno curiosiori aspectu
delectabile lignum, inq; illud maiori feruntur
impetu, ideo optata excidunt scientia, malorū

*Hæredes e
calamitas.*

autem cumulis vnde sperabant voluptatem ex
operiuntur. Sic & nos quoties vertimus cum
nostra curiositate ad fruendū ijs quæ sensui pul-
chra atq; iucunda videntur, tum maximè stupe-
mus, vulneramur, deficimus, obscuramur. Aiunt
ocul. Medici periculosissimam esse oculorum ægri-
tudinem, si potentia visiva in se retenta neq; fo-
ras exeat, neq; cum lumine externas imagines
recipiat, propter indurationem aut oppilatio-
nem humorum vel tunicarum: desperatur &
spiritualis oculi facultas, si nihil prorsus lucis à
cælo prouenientis recipit, neq; se mouet ad spe-
culandum, vel recipiendum proprias imagines
lucro, ventositate, voluptate incrassata. Tales o-
lim tenebras circumferebant illi cætus idolo-
latrarum, quos iussu Dei Ezechiel per foramina
spectabat in tēplo Salamonis, Solem, Venerē,
bestias adorantes quasi id nō videret Dominus.
Idolum
apriū cuiq;
Vidit, & profundissimam foueam cæcitati eo-
rum præparauit. Scio cuiq; suum idolum esse
quod impensius amat, scio difficile reperiri ho-
minem, qui totus sit ex Deo, cum Deo, in De-
um, sine

um, sine affectu ad creaturam : non tamen au-
deo cogitare aliquem in Christianis ita misera-
bilem reperiri, cui nec vnus cum Polyphemo sit
in fronte oculus. Inflāmatio, turbatio, suffusio,
tuberculi, maculæ, debilitates quem nostrum
non exagitant ? qui cum igne deuorante æstu-
antis concupiscentiæ habitamus, quorum sunt
intus pugnæ, foris timores. Factum quid benè,
subito noxius humor vanissimæ laudis affluit :
erratum est, suffundimur. Multi strabonum in-
star cælum & terram spectamus, plures maiori-
bus ludimur imaginibus, quam res ipsæ sunt,
quod non ter sis vtamur specillis ad videndū, vel
maculatam circūferamus pupillam. Non pro-
mittimus lumen corpori, si oculus exulcerat o-
culum, si pupilla est in periculo, si facultas cer-
nendi prostrata, si medium, si proportio inter
obiectum & potentiam sublata est. Et spiritua-
lis oculus suos habet humores, suasq; tunicellas,
quibus in videndo perficitur, cor purum consci-
entiam bonam, charitatem nō fictam. Lucidif-
simi sunt isti humores, qui mansuetudine, inte-
gritate,

gritate, misericordia conteguntur, splendet in-
star pupillæ in rectam porrecta intentio lineam
quæ nullis imaginum simulachris decipitur aut
inflectitur à vero bono, medium est gratia, pro-
portio meritum, obiectum salus, Oculus iste
corporis insignem sapientiam sui artificis osten-
tat, quod in loco excelsiore, quasi in quadam
specula ad dirigendas cæterarum partium fun-
ctiones resideat: magni æstimatur, & quia ma-
ximè necessarius, & quod semel amissi nulla est

Hypothetica recuperatio. Excusserat quondam furor Adriani
cuidam seruulo oculum, utq; deferbuit tyrānus
factum dolet, vult furorem suum vlcisci, quærit
optionem talionis. Respondet exoculatus, ocu-
lum volo à capite auulsum, quasi diceret, tanti
damnum æstimo, vt nihil in vicem reponas, nisi
oculum repōnas. Oculus renouatæ mentis no-
stræ, opus est multo magnificentius, index enim
est multo illustrioris sapientiæ, quā Deus perdi-
dit sapientiam sapientum huius sæculi. Oculus
iste noster fide Christi aliisq; gratiis illustratus, nō
solo verbo constitit, vt hic corporis, sed multis
plagis

plagis vulneribus, contumeliis, crudelissima de-
niq; morte filij Dei. Cogitate quantum sit be-
neficium spirituale hanc videndi aciem
consequi, quis dolor, & quanta iactura eandem
amittere. Nos verò rem tam preciosissimā par
oculorum spiritualium, Iustitiam & veritatem
per Iesum Christum nobis donatam, nihili du-
cimus, quasi gratia non gratia, sed debitū quod-
dam esset; mortuam fidem, sepultum & obscur-
ratum iudicium sæpe circumferimus, in tene-
bris quasi nunquam fuissimus filii lucisambu-
lamus. Est fateor difficile etiam religiosa corda
(vt inquit S. Leo) mundano puluere non for-
descere, sed vulneris periculum excitante nos &
cooperante nobiscum auxilio diuino effugere
non est difficile. Impegimus fortè grauius, me-
dicinam celerrimè quæramus antequam con-
suetudo saniem colligat, ne fortè subito præoc-
cupati die mortis quæramus spacium pæniten-
tiæ, & inuenire non possimus. Discamus ab ijs,
qui serpentibus, viperis, cæterisq; bestiis cōui-
uunt, primo statim tēpore præsentissimis anti-

D

dotis

Oculi Spirituales

dotis repellere venena peccati . Si volumus in i-
gneatela nequissimi armari, si oculū inter tot pe-
stes & mōstra obiectorū à labe, à contagione, à
vulnere integrū seruare. Velle certe debemus, si
ex vno intuitu oculorum mors & vita oriūtur.
Aperiam ego secretum medicorum præstantif-
simi. *Medici.* Fernelium credo cogitatis aut Saxoniam,
aut Aquapendentem, vel ex veteribus Galenum
Hypocratem, Auicenam, & similes? neminem
horum cogito qui professi curationum scienti-
am seipso curare non possunt. Illum dico qui
protestatur se habere potestatem ponendi ani-
mam, & rursus sumendi eam: qui ex omnium
nostrum morte gloriosissimè triumphauit, qui
crucifixus ex infirmitate, viuit ex virtute Dei: qui
vocat ea quæ non sunt tanquam ea quæ sunt,
qui; solus docere potest homines scientiam.
Is ille medicus est, qui in persona Samaritani de-
scendens, per hanc viam vitæ nostræ, spoliatum,
cæsum, à latronib⁹ miserum hominē, oleo & vi-
no misericordiæ atq; iustitiæ suæ recreatum col-
legit & in hospitio militatis Ecclesiæ securissimè
collo-

collocauit. Is inquā sapientissimus clementissi-
mus Dominus noster Iesus Christus per Ioannē
in Apocalypsi Episcopo cuidā depositæ, & despe-
rata ægritudinis suadet, vt si se diuitem, perspi-
cacem, si ornatum esse cupiat collyrio iniungat
oculos suos. Horret quis acrimoniam & mor-
daciditatē collyrij? nō meminit is vulnus vulnere
sanari, parūq; valere ad sanitatē in quo nihil fu-
erit amaritudinis. Non nego fore aliquid cu m
nostro collyrio molestiæ sed precium, virtus &
vsus superior est omni molestiarū difficultate.
Non enim ex vsitatis pharmacorum pulueribus
non ex transmarinis herbis, sed ex metallis pre-
ciosissimis, ex supra mundanis hortis colligitur.
Aurum purissimum, crySTALLUS splendidissima,
spiritus viuacissimus, non chymica arte aut ex-
perientia in vitrum raptus: se de sursum à Patre
luminum donatus fragilitati nostræ. Oculus
terræ sal politissimum in hanc quoq; veniunt
vntionem, & hæc omnia & singula ex alieno
orbe. Satis precij habet ex se aurum, & quæ cō-
memorauimus: multo tamen pluris censetur

ea quorum sunt symbola & notæ. Quid enim
conferas cum diuinis virtutibus, quæ omnem
valorē auri & topazij superant? Vnius charita-
tis pondus quantum est, cui celebrandæ nec
hominum, nec Angelorum linguæ sufficiunt,
quæq; non orbis terrarum amplissimis spatiis,
non deniq; felicissimis beatorum sedibus coar-
ctatur. Qualis enim & quantus Deus tāta &
charitas est, quia Deus charitas est. Aurū est cha-
ritas inter alia virtutū metalla, & aurum ignitū,
quia & cōtinuo ascensu suo in supera, nobilitatē:
& superfluatorum cōsumptione præstantē virtu-
tem suā probat. Non potest pauper aut misera-
bilis esse qui hoc auro abundat. Quapropter ad
collyriū hoc faciendū, in primis suadetur æger-
rimo Episcopo, vt emat sibi aurū ignitū, Cry-
stallū dico timorē Domini, quem sicut buccel-
las crystalli accipimus è cælo demissum, vt æstu
concupiscentiarū represso puritate niteamus.
Faciem frigoris huius crystalli quæ ignis inordi-
nati flamma sustinebit? est verò ob puritatem
intentionis qua homo in Deum conuertitur,
valde

valde accommodatus timor Domini ad recipi-
endum lumen gratiæ. Qui timēt Dominum,
(inquit sapiens) præparabunt corda sua, & in
conspectu eius sanctificabunt animas suas. Nō
est sine vitali spiritu hoc collyrium. Quis iste e-
rit? quem nobis ipse fons vitæ luculentissimè
commendauit, cum altiori voce clamitaret in
maximis concionibus populorum? Discite à
me quia mitis sum & humilis corde. Multum
habet de spiritu & de spiritu viuacissimo sancta
humilitas: nam & in omnem partem mouetur
facillime, & cuiusuis gratiæ suscipiendæ aptissima
est: utq; se probet esse spiritum qui à mortalibus
non conspicitur, in maximam virtutum lucem
excrescens, non vult à quoquā videri. Simule-
nim vt irrepsit aliqua in sublimem locum va-
nitas, perit omnis dignitas quam non fuca-
tam sola habet humilitas. Accedit deniq; no-
stræ vnctioni sal coronantis omnia perseueran-
tiæ. Cum terræ grauitate plurimam habet co-
gnationem firma in proposito permanens, utq; *simile.*
sal siccitate sua condimentum affert ciborum,

sic perseverantia decus est humanarum actionum: arcet sal putredinem carniū, non patitur sancta perseverantia carnalium desideriorū corruptionem. Habemus excellentissimas nostrorum simplicium qualitates, inspiciamus oculorum ægritudinem eiusq; causas propiores: conferamus singularem vim & efficaciam alterabilium: credite mihi si ars, vsus, diligentia, & moderatio horum omnium accesserit nullum fore tantum spiritualis oculi periculum, quod non possit à nobis præcipi aut profligari. Quod frigus ineptitudinis charitatis feruori resistet? quæ inflammatio aut lippitudo cum timore iudiciorū Dei cohærebit? quæ humiditas terrenarum affectionum absorbebit vitalem spiritum profundissimæ ^{ch}ristianitatis? quæ deniq; tentationum procellæ, concutere poterunt salem perseverantiæ in recōditissimis Dei cōsiliis atq; misericordiis firmatū? Atq; cum cæteræ medicantium vires satis habeant morbum repellere, hæc nostra singula aliquid insuper progenerant & salutare, & singulare: qua ex vetustate in nouitatem,

tem cum quodam incremento transeamus. Nā
ex auri calore nascitur generosissimi cordis di-
latatio, spiritualis humor, iudicij de rebus o-
mnibus affert claritatem: Spiritualis enim
(inquit Apostolus) omnia iudicat. Crystallinum
frigus ex profligato tumore inanis gloriæ gi-
gnit albedinē castitatis veluti lilium pulcherri-
mum. Salis siccitas purificat suffusiones, pro- *Effectus Salis.*
portionem oculorum ad rem videndam resti-
tuit, & salutarem in penetrandis cælestibus tri-
buit agilitatem. Præclara inquit medicina, sed
in temperie diuersarum qualitatum facilis & is-
periculosissimus error. Est quod metuas, nam
& spiritualibus medicis regula & princeps pa-
randarum virtutum est discretio. Sunt etiā hīc
libræ, est & ponderum symmetria ab illo exē-
plari petita: quod Christus pro peccatis nostris
ex rigore iustitiæ Patri satisfaciens sustulit in li-
gno. Supra iacentem lineam surgens de medio
in altum radius facit æquilibrium: iacentis li-
næ extrema libras demittūt, radius supra emi-
nens indicat pōderis iustitiam. Honor & amor
Dei faciunt nostrum æquilibriū in cruce Chri-
sti

sti. Iacens linea est amoris latitudo, quam nobis
filius Dei in ligno exhibuit: surgens è medio
in altum radius, honor est crucis quæ Deum
homini vnitum sustinuit. Veritas & iudicium ex
hoc æquilibrio pendent receptoria ingredien-
tium nostri collyrij: in veritatis libram charita-
tis aurum depone, vt ex cordis puritate feraris
in amorem tuum Deum, verum pondus tuum,
* quia quantū eum diligis, tantus es. Ad iudicij
libram timorem & perseuerantiam colloca, sed
perseuerantiæ sal duplo crystallum & spiritum
superet: est enim pōdus iustissimum exquò cer-
nitur & ipsius charitatis adæquatio. Iam sic
temperie ordinatā diuina hæc simplicia effun-
de in mensam patientiæ, quam Deus parauit a-
micis in conspectu suo aduersus eorum tribu-
latores: tunde omnia simul pistillo durissimæ
mortificationis, idq; tantò tempore donec sin-
gula benè contrita, & emollita coeant in maif-
sam iustitiæ. Dictum est enim. Nisi facta carnā
mortificaueritis moriemini. Sed nondum lini-
endo apta erit medicina, nisi fuderis oleum de
super; non peccatoris quo non impinguatur c a

put Domini, sed lætitiæ & exultationis quod
conuertit planctum in gaudium. Ferendum est
animo æquissimo imo serenissimo quicquid
euenerit: quia sic Dominus quoscunq; recipit
in filios, affligere solet. Vis præterea in oculos
caelestem inducere colorem ad ornamentum,
sic formatum corpus iustitiæ consperge lactis
dulci candore, innocenti doctrinæ diuinæ pu-
ritate, & doctâ ex alto vitæ innocentia. Hęc e-
nim permista admirabilem gratiam pariunt in
oculo spirituali, fitq; vt ex oculi candore totum
illuminetur corpus. Habes collyrium: inunge
(vt inquit Christus) oculos: habes modum re-
deundi ad gratiam ex ipsius Domini præscripto,
utere, age poenitentiam vt ipse explicat per Pro-
phetam suum æmulare charismata meliora
currens iam post odorem vnguentorum dilecti
tui. Crede mihi vnctio ista præter sanitatis bene-
ficiũ maximè intellectum nostrum illuminabit:
vt gloriam Christi speculantes à claritate in clari-
tatem progrediamur tanquam transformati à
Domini Spiritu. Non erit cur ex sollicitiori
mandatorum Dei obseruatione timeamus ali-

Collyrium?

E

quam

quam in scientijs iacturam: scientia enim quæ
propter virtutem (vt inquit Bonauen:) cōtem-
nitur, per virtutem aquiritur. Vngit te alius tu
vngeris, proijcit ille oculos in te cognitionis, tu
oculum subijce credulitatis. Non time nudita-
tem, non miseriam, non cæcitatem, non simi-
lia probra, non amplius dicetur tibi, Nescis
quia tu miser es, & miserabilis, & cæcus: at in
omni verbo, in omni scientia, in omni gratia
diues factus gloriaberis in eo, ex cuius vulneri-
bus totum hoc nostrum profluxit collyrium.
qui factus est nobis sapientia à Deo, & sanctifi-
catio & redemptio, & lumen in tenebris ad di-
rigendos pedes nostros, in lucidissima via man-
datorum suorum. Quoniam igitur aduenierunt
nobis dies pœnitentiæ ad redimenda peccata.
ad saluandas animas, ad auertendam cæcitatem mi-
serabilem, ad cōsequendam lucem ex gratia Dei oriētem,
humiliemur in cōspectu Dei dicētes cū Propheta
Ecce sicut oculi seruatorum in manibus domino-
rum suorum sicut oculi ancillæ in manibus do-
minæ suæ, ita oculi nostri ad te, donec miserea-
ris nostri. Fatemur nos esse catellos cum Cha-
nancide

nancide indignos mensa tua, quia nomen sanctum tuum irritauimus sceleribus nostris: sed tu Domine qui uoluisti propter nos esse filius Dauid, recordare bonitatis tuæ, & miserere, quia multum repleti sumus despectione. Mitte de alto preciosum hoc collyrium sacræ pænitentiae, applica ipse digitis misericordissimæ pietatis oculis nostris, ut scissâ caligine, & nubeculis effundamus persalutares lachrymas omnem humorem noxium, & lumen gratiarum tuarum capiamus. Contere laqueum venatoris Diaboli, deijce potenti dextera tua graue iugum peccati: fac ut à timore tuo nouum concipiamus spiritum humilitatis, dilectionis, constantis propositi in quærenda & perficienda sanctificatione nostra iuxta beneplacitum tuum. Audi vocem & gemitum columbæ tuæ, sponsæ tuæ, Ecclesiæ tuæ pro nobis deprecantis, & mentes nostras illustra lumine claritatis tuæ, ut videre possimus quæ agenda sunt, & quæ recta sunt agere valeamus, per eum in quo, per quem tibi placuimus Christum Dominum. Cui tecum & cum S. Spiritu trino & uni Deo sit honor & gloria in sæcula seculorum. Amen.

nam de illis nos membra tua quia non tenent
 sed in tunc inuenimus sed non nos tenent
 Dominus qui voluit propter nos esse deus
 ut in coram bonitatis tuae de nos tenet
 in repleti sumus de bonis tuis. Mille de al-
 to pro cione hoc colligitur facta peruenit
 applica ipse dignis misericordiam pietatis o-
 culis nostris, ut sciam colligere & videri
 inuenimus peruenit lacrimas omnes ha-
 morum nostrorum & lumen gratiarum tuarum
 capiamus. Contra lapsum venatoris Dia-
 boli deus poterit deus tuae graue ingum
 precor ut in amore tuo nonum concipis
 inuenimus peruenit dilectionis consan-
 tis propolis in quibus de peruenit inuenit
 canone nostris in deus lacrimas tuas. Audi
 vocem de gratiam colam deus sponsa tua
 Hec est tua pro nobis deus & merces
 nostras illas iunias tuas ut vide-
 re possimus deus agere in deus deus recta
 in agere viderimus in deus in quo peruenit
 tibi placuit Christus Dominum. Cur tenet
 deus & Spiritus tuus de vi Deo sit honor de
 gloria in saecula saeculorum. Amen.



n
c
D
u
i
to
ap
e
m
m
ca
vo
Ec
no
to
-
tip
d
-
L

